

DAVIES, DAVID (bu farw 1807), golygydd Y Geirgrawn, gweinidog Annibynnol

Enw: David Davies

Dyddiad marw: 1807

Rhyw: Gwryw

Galwedigaeth: golygydd Y Geirgrawn, gweinidog Annibynnol

Maes gweithgaredd: Crefydd; Llenyddiaeth ac Ysgrifennu; Argraffu a Chyhoeddi

Awdur: Robert Thomas Jenkins

Dyn o Lanybydder mae'n debyg. Aeth i'r academi yn Abertawe yn 1786, ond yn 1787 urddwyd ef yn fugail ar ddwy eglwys Capel Sul (Cydweli) a Phen-y-graig. Yn 1790, symudodd i Dreffynnon, a bu yno hyd 1800. Yno y dug allan *Y Geirgrawn* (naw rhifyn, Chwefror-Hydref 1796), olynnydd *Cylchgrawn* **Morgan John Rhys**. Pleidiai'r *Geirgrawn* egwyddorion Radicaliaeth yn bur bendant - ynddo, er enghraifft, argraffwyd trosiad Cymraeg o'r ' Marseillaise ' - ac awgryma **Thomas Roberts**, Llwyn'rhudol i Davies fod mewn cryn berygl ar law'r awdurdodau gwladol. Efallai i'w olygiadau dramgwyddo ei gynulleidfa hefyd, oblegid dengys llythyrau yn Llyfrgell Coleg y Gogledd (Scorpion MSS.) ei fod yn anghymeradwy ganddi 'era blynyddoedd,' a bod y gynulleidfa'n 'edwino'n gyflym iawn.' Ni wyddys mo'i hanes rhwng 1800 a 1802, pan aeth yn weinidog i'r Trallwng. Oddi yno, symudodd (1803) i eglwys Stoneway yn Bridgnorth (eglwys y bu iddi res hir o weinidogion Cymreig); preswyliai mewn tŷ o'r enw Bridgen Hall, a chadwai ysgol ynddo. Yr oedd iddo air uchel iawn yn Bridgnorth; bu farw yno yn 1807, a chladdwyd ef o fewn muriau'r capel.

Awdur

Yr Athro Emeritus Robert Thomas Jenkins, (1881 - 1969)

Ffynonellau

Hanes Eglwysi Annibynnol Cymru, 373; iii, 443, 470; iv, 219

Elliot, *Congregationalism in Shropshire* (1898), 76

R. T. Jenkins, *Hanes Cymru yn y Bedwaredd Ganrif ar Bymtheg, Cyfrol 1, 1789-1843* (Caerdydd 1933), 1933, 25-7

Dolenni Ychwanegol

VIAF: [22005200](#)

Wikidata: [Q18529684](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

